



UNIVERSITÄTS-
BIBLIOTHEK
PADERBORN

Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

De eadem re. vi.

urn:nbn:de:hbz:466:1-10722

cum sequentibus annis pœniteat, & DC. solidos cum triplici sua compositione, & episcopalibus bannis triplicibus episcopo componat. Si quis presbyterum calumniatus fuerit, & spassauerit, sex Quadragesimas sine subditis annis pœniteat, & DC. solidos cum triplici sua compositione, & episcopalibus bannis triplicibus episcopo componat. Si autem mortuus fuerit, duodecim annorum pœnitentia secundum canones ei imponatur, & DCCCC. solidos cum triplici compositione sua, & episcopalibus bannis triplicibus componat. Si quis episcopo insidias posuerit, comprehenderit, vel in aliquo dehonestauerit, decem Quadragesimas cum subditis annis pœniteat, & presbyteri occisum triplicem compositionem componat. Si autem casu & non sponte occiditur, cum comprouincialium episcoporum consilio homicida pœniteat. Si quis autem sponte eum occiderit, carnem non comedat, vinum non bibat cunctis diebus vitæ suæ, cingulum militare deponat, absque spe coniugij in perpetuum maneat. Aistolphus Moguntiensis archiepiscopus dixit: Si principibus placuerit, aliisque suis fidelibus, rogemus vt collaudetur & subscribatur. Et collaudatum est, & subscriptum est, tam à principe, quàm à cæteris omnibus.

De eadem re. Cap. VI.

Placuit nobis & fidelibus nostris, vt sicut ab episcopis & reliquis sacerdotibus ac Dei seruis, alio anno apud Theodonis villam admoniti fuimus & rogati, vt episcopi & eorum ministri quos Deus suo non humano iudicio reseruauit, iuxta sanctorum canonum, sanctorumque patrum, ac capitularium præcedentium regum coram positorum statuta, & Dei sacerdotes, eorumque cooperatores, quorum intercessionibus supplicationibus sancta Dei Ecclesia consistare videretur, intacti permaneant. Constituimus, vt si quis subdiaconum calumniatus fuerit, & conualuerit, pœnitentia canonica pœniteat, & CCC. solidos episcopo componat. Et si mortuus fuerit, iuxta id quod canones præcipiunt pœniteat, & CCCC. solidos episcopo componat. Si diaconum quis calumniatus fuerit, & conualuerit, pœniteat secundum canones, & CCCC. solidos episcopo componat. Si non conualuerit, iuxta præcepta syno-

Ex cõcil.
Triburiẽ
si, cap. 1.
Capitulũ
ecclesiast.
apud Tri
buriam a
Carolo
et primis
Galliæ et
Germaniæ
col
laudatiũ
et subscri
ptum.

dalica pœniteat, & DC. solidos episcopo componat. Si presbyterum quis malè tractauerit, & spassauerit, secundum episcopi sententiam pœniteat, & DCCCC. solidos episcopo componat. Si autem mortuus fuerit, vt synodus diiudicauerit, pœniteat, & mille CC. solidos episcopo componat. Si quis episcopo insidias posuerit, comprehenderit, vel in aliquo dehonestauerit, pœniteat secundum canonum statuta, & presbyteri non occisi triplicem compositionem, cum instilis quæ in superiori capitulo scriptæ, & cõfirmatæ videntur, componat. Si quis per industriam episcopum occiderit, iuxta id quod apud Theodonis villam à XXXII. episcopis decretum est, & quod ibi à nobis & à primatibus totius Germaniæ, & Gallie, benigna collaudatione collaudatum est, & subscriptum est, pœniteat, & pecuniã à nobis necessam Ecclesiæ viduatæ persoluat. Et hoc de nostro adiecit, vt si quis in his suprãdictis sanctorum canonũ nostri decreti sanctionibus episcopis, inobediens & contumax extiterit, primũ canonica sententia feriat. Deinde in nostro regno beneficium nõ habeat, & alodis eius in banno mittatur, & si annum vnum & diem in nostro banno permanserit, ad fiscum nostrum redigatur, & captus in exilium religetur, & ibi tam diu custodiatur & cõstringatur, donec coactus Deo, & sanctæ Ecclesiæ satisfaciãt, quod prius gratis facere noluerat. Et si omnibus vobis ista complacuerit, dicite. Et tertio ab omnibus conclamatũ est, placet. Et imperatores, & pene omnes Galliæ & Germaniæ principes subscripserunt, singuli singulas facientes cruces, & Ecclesiasticus ordo Deo & principibus laudes referentes Hymnum, Te Deum laudamus, decantabant, & sic soluta est synodus.

De eadem re. Cap. VII.

Ex cõcil.
Mogũti.
cap. 24.

Qui presbyterum occiderit, XII. annorum excommunicatione secundum canones imponatur, aut si negauerit, si liber est, cum LXXII. iuret. Si autem seruus super duodecim vomeres feruentes se expurget. Conuictus noxiæ vsque ad vltimum vitæ tempus militiæ cingulo creseat, & absque spe coniugij maneat.

Ex cõcil.
Vuormaciẽ.
ca. 3.

De interfectõibus sacerdotum. Cap. VIII.

Qui sacerdotem voluntariè occiderit, carnem non comedat, & vinum non bibat cunctis diebus vitæ suæ